

<<菜根谭>>

图书基本信息

书名：<<菜根谭>>

13位ISBN编号：9787536331143

10位ISBN编号：7536331142

出版时间：1996-5

出版时间：广西民族出版社

作者：[明]洪应明

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<菜根谭>>

内容概要

乾隆三十三年版《菜根谭》序：

戊子之秋七月既望，余以抱病在山，禁足阅。

适岫云监院琮公由京来顾，出所刻《菜根谭》书命予为序，且自言其略曰：“来琳初受近圆，即诣西方讲席，听教于不翁老人。

参请之暇，老人私诫曰：‘大德聪明过人，应久在律席，调伏身心，遵五夏之制，熟三聚之文，为菩提之本，作定慧之基，何急急以听教为哉？

’居未几，不善用心，失血莫医。

自知法缘微薄，辞翁还岫云。

翁曰：‘善，察尔因缘，在彼当有大振作，但恐心为事役，不暇研究律部。

吾有一书，首题《菜根谭》，系洪应明著。

其间有持身语，有涉世语，有隐逸语，有

显达语，有迁善语，有介节语，有仁语，有义语，有禅语，有趣语，有学道语，有见道语，词约意明，文简理诣。

设能熟习沉玩而励行之，其于语默动静之间，穷通得失之际，可以补过，可以进德，且近于律，亦近于道矣。

今授于尔，应知珍重。

’时虽敬诺拜受，究竟不喻其为药石意也。

厥后历理常住事务，俱忝要职。

当空华之在前，不识元由眼里之魔；认水月以为真，岂知惟是天垂之影。

由是心被境迁，神为力耗，不觉酿成大病，幸未及于尽耳。

既微瘥间，无以解郁，因追忆往事，三复此书，乃悟从前事事皆非，深有负于老人授书时之言焉。

惜是书行世已久，纸朽虫蛀，原板无从稽得，于是命工缮写，重为刊刻。

请并言于首，启迪天下后世，俾见闻读诵者身体力行，勿使如来琳老方知悔，徒自惭伤，是所望也！”

余闻琮公之说，抚卷叹曰：“夫洪应明者，不知何许人。

其首命题，又不知何所取义，将安序哉？”

窃拟之曰：“菜之为物，日用所不可少，以其有味也。

但味由根发，故凡种菜者，必要厚培其根，其味乃厚。

是此书所说世味乃出世味，皆为培根之论，可弗重欤？”

又古人云：“性定菜根香。

夫菜根，弃物也，如此书，人多忽之。

而菜根之香，非性定者莫喻。

此书唯静心沉玩者，乃能和旨。

是与否与？

既不能反质于原人，聊将以俟教于来哲。

即此序。

时乾隆三十三年中元节后三日

三山病夫通理谨识

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>